

amitterentur: quibus retentis, non dubium esset, quin 1439
 hostes paulo post vellent nollent urbe excedere cogerentur: permetterent ad hanc miseros cives iniquae conditioni temporis cedere, incolumemque civitatem meliori fortunae servare. Bartholomaeus Peregrinus, vir magnae inter suos auctoritatis, sed egregiae quoque in Venetos fidei, eos ex publico cedentes ad pontem, qui lapideus dicitur, comitatus est, ne quid illis incommodi accideret, quo minus in tutum abirent. Ubi vero illuxit, hostium acies sine ullo certamine per Rafiolanam portam in urbem erupit. Pausus ante lucem eruptionem factam affirmat. Occupaverat civium animos ingens pavor, quippe quibus ignotum erat, qualis futurus esset civitatis status; res in discrimine erat, vellet ne victor hostis eam servare, an publicas & privatas fortunas militi diripiendas subijcere. Erat in prima acie Alovius Vermius, qui post Carmaniolaefoceri damnationem, quum diversarum partium haberetur, voluntarium sibi consciverat exilium. Is Philippi opes secutus, ob strenuitatem animi & generis nobilitatem hostis clarissimus erat. Ubi igitur ad ipsius aedes processum est, in quibus preciosissimam Mellitae suppellectilem esse audiverat, ira percitus continuo suos ad Mellitanas opes diripiendas invitat. Eo exemplo alii qui proximi steterant, cupiditate praedae accensi ad privatas domos occupandas discurrent. Alii a Francisco Picinino Nicolai filio, qui ad Rafiolanae portae praesidium relictus erat, id factum tradunt. Sed sive hic sive ille auctor fuerit, inter omnes constat, cladem omnino ingentem eo die accipiendam fuisse, nisi Magius, homo juris scientiae ea tempestate peritissimus, ac inter suos populares multi nominis, ad Mantuanum Principem accurisset, orassetque ne urbem nihil tale de eo meritam, quae in id discrimen nulla civium culpa incidisset, ac semel occupata sine aliquo majore certamine cessisset, tanta clade deformaret: satis superque ei videri debere, sine caede, sine labore ullo, praecalam urbem subijcere contigisse. Movit illum non magis utilis quam verus sermo: confestimque, ut mi-

*Verona a
Picinino
occupatur
praeter ar-
ces.*

*Magi prudentia urbs
a direptione
servatur.*